

Ramos Espainiaratzeko eskaera onartu du Berlingo Epaitegiak

Errefuxiatuak gose greba hasi du estradizioa eragozteko

Espainiako Gobernuak presoek giza eskubideak errespetatzen dituela ziurtatu dio Berlingo Epaitegiari eta honek sinetsi egin du. Horrenbestez, onartu egin du Benjamin Ramos estraditatzeko eskaera. ETari lagundu ziolakoan atxilotu zuten kataluniarrak gose greba hasi zuen bart gauean eta defentsak Berlingo Epaitegiaren erabakia errekurrituko duela iragarri du.

Erredakzioa / Donostia


BENJAMIN RAMOS VEGA, 33 urtekoa, urtarrilaren 28an atxilotu zuten Berlinen, ETako 'Barzelona komandoari' laguntzeaz akusatuta. Geroztik Alemanian dago espetxeratuta.

Atxilotu bezain laster Ramos Espainiaratzeko eskatu zuen Madrilgo Gobernuak. Defentsak, berriz, eskaera ez onartzeko eskatu zion Berlingo Epaitegiari. Espainiako Poliziak Ramosen aurkako 'frogak' (beste atxilotu baten deklarazioak) torturapean lortu zituela argudiatuta. Horrez gainera, Ramosek berak ere torturak jasan zitzaizela eta Espainiako espetxeetan hiesak jota dauden presoek —Ramos seropositiboa da— behar bezalako tratamendurik ez dutela jasotzen salatu zuen defentsak.

Berlingo Epaitegiak aintzat hartu zituen defentsaren argudioak eta, estradizioa behin-behinekoz gelditu ondoren, urrian Ramosen giza eskubideak errespetatuko zituela bermatzeko eskatu zion Espainiari.

Espainiako enbaxadak hiru orrialdeko txosten bat bidali zion Berlingo Epaitegiari, preso guztien giza eskubideak errespetatzen dituela esanez. Era berean, torturaren bidez lortutako deklarazioek Espainian balio juridikorik ez dutela eta hiesdun presoek tratamendu egokia jasotzen dutela ziurtatu zuen enbaxadak.

Berlingo Epaitegiari aski iruditu zaizkio Espainiak eskainitako bermeak. «Epaitegi hau ez dator bat defentsako abokatuen kezkekin, ez baitago inolako arrazoirik kezkatzeko. Epaitegi hau ziur da Espainiak bete egingo dituela kasu honetan eskainitako bermeak», azaldu du Berlingo Epaitegiak hilaren 27an kaleratutako ebazpenean. Ramosen defentsak tortura salaketa ugari helarazi bazizkion ere, Berlingo Epaitegiak ez ditu aintzat hartu, tor-



Benjamin Ramos egun Berlinen dago preso.

EFE


turak ez omen daudelako ofizialki frogatuta.

Defentsak errekurritu egingo du

Petra Schlagenhauf eta Nicolas Becker defentsako abokatuak harrituta gelditu dira Berlingo Epaitegiak Espainiaren hitza hain erraz onartu duela ikus- tean. Defentsaren arabera, Ramos torturapean lortutako deklarazio batzuenatik atxilotu zuten, ez dago batere argi epaiketa justua izango duenik eta, batez ere, «Espainiako espetxeetan preso seropositiboek ez dute behar bezalako arreta medikoa izaten». Hauek guztiak direla eta, Berlingo Epaitegi Konstituzionala eta Karlsruheheko Epaitegi Konstituzional Federalera joko

du Ramosen estradizioa eragozteko. Hala ere, baliteke Ramos aipatu epaitegien erabakia jakin aurretik Espainiaratztea.

Ramosek berak erabaki gogorragoa hartu du estradizioa galarazteko, gose greba mugagabea hasi baitzuen bart gauean. Presoa Espainian jasoko duen tratua beldur azaldu da: «Bada- kit presionatzeko neure ahule- ziari, osasun egoerari alegia, egingo didatela eraso, beste preso politikoei bezala. Nire bizia laburtzen ari da eta ez du inolako zentzurik izango Espainiako Es- tatuko torturatzailen esku ge- ratzen banaiz. Gose grebarekin Alemaniako kontzientziak esna- raztea eta nire heriotza galaraz- tea espero dut». X



Ardanza eta Mayor Oreja herenegungo bilkuran.

TXEMA FERNANDEZ / EFE

Alderdien iritzi zatiketa aipatu du orain Ardanzak

■ Ajuria Eneko Mahaia ez biltzeko argudio gisa

Agentziak / Gasteiz-Bilbo

AJURIA ENEKO Ituna ez biltze- ko argudio gisa alderdien artean «iritzi zatiketa» dagoela ai- patu zuen atzo Jose Antonio Ardanza lehendakariak.

Herenegun Ajuria Eneko Mahaia biltzeko eragozpen na- gusia PPren jarrera zela esan bazuen ere, atzo erantzukizu- nak alderdi guztien artean ba- natu nahi izan zituen Ardan- zak, PPri buruzko aipurik egin gabe. Lehendakariak alderdien artean iritzi desberdinak dau- dela eta iritzi zatiketa gairatu bitartean Mahaia biltzeko ego- kierarik ez dagoela azaldu zuen.

Ardanzaren arabera, alderdi politikoak bat datozen indarkeria gaitzestean, baina hortik aurre- ra nork bere errotara eraman nahi du ura eta, ondorioz, ez dago adostasunik. Adibide mo- duan Eusko Legebiltzarrean ETako presoek sakabanatzeaz izan zen eztabaida aipatu zuen, osoko bilkuran azaleratu ziren desadostasunak berak egune- roko harremanetan nabari di- tuela esanez.

Lehendakariak Ajuria Eneko Ituneko Mahaia biltzeko bo- rondatea azaldu zuen, behin berriro, baina oinarritzko bi baldintza jarri zituen deialdia egiteko: «Lehenik eta behin, al- derdiek utzi egin behar diote elkarri erasotzeari, alde batera utzi behar dute orain arteko konfrontazioa. Eta, bigarren, gutxieneko adostasuna lortu behar dugu herri honetan ba-

kea eraikitzeko». Baldintza ho- riek betetzen ez diren bitartean, Ardanzak ez ditu aintzat har- tuko jaso dituen presioei.

Era berean, Ajuria Eneko Itu- naren helburua normalizazioa eta baketzea lortzea dela azpi- marratu zuen agintari jeltza- leak. Azken egunotan bezala atentatu ugari daudenean so- seguari eutsi eta normaliza- zioaz hitz egitea zaila dela ai- tortu arren, bere betebeharra horixe dela esan zuen Ardan- zak. Honen iritzi, une latzene- tan ere «ezin diegu amore eman emozioei, hala eginez gero le- hendabizi mendekua nagusi- tuko litzatekeelako eta gero barkamena, eta politikan ez dago modu horretan jokatz- erik».

Jauregi eta PP bilera eske

Ramon Jauregi PSE-EEko idaz- kari nagusiak, berriz, euren desadostasunak gairatzeko eskatu zion Ardanzari eta PPri, Ajuria Eneko Mahaia berehala bil dadin. Jauregiaren arabera, euskal gizartearen eskakizuna da Ituna lehenbaila biltzea.

Javier Peon PPko diputatuak eskaera bera egin zion Ardan- zari, erantzukizun guztiak jelt- zaleei leporatuz ordea. Peonen irudiko, EAJk zentzunez jo- katu eta Ajuria Eneko Mahaira deitu beharko litzate alderdi politikoak, lehenbaila gai- nera. PPko diputatua kexu agertu zen, EAJk ETarekin hitz egiteko baino baldintza gogo- rragoak jartzen omen dizkiola- ko bere alderdiari. X

Belauntzan...

GURE TXOKOA

LARUNBATA, 30: Gaueko 12etatik goizaldera arte
"GURE-BINGOA JOKO HANDIA"

IGANDEA, 31: "GABONZAHAR MAGIKOA"

"KOTILOI JAIA ETA CAVA"

"TRABUKO"-rekin

ASTELEHENA, 1: Gaueko 12etatik goizaldera arte

"TRABUKO"-rekin

ZORIONAK ETA URTE BERRI ON

recogida de basuras



zabor bilketa

vitoria-gasteiz
1995

Hoy, sábado día 30,
habrá recogida de basuras.
Mañana, Día de Nochevieja,
no se prestará el servicio.
Se ruega no bajen sus bolsas para evitar
la acumulación de
desperdicios en la vía pública.

Gaur, abenduak 30,
larunbata izan arren, zabor bilketa
izango da.

Ez, ordea, bihar, **Uztezahar gaua**
dela eta.

Arren, ez jaitsi zabor-poltsarik
gau horretan, kaleak zaborrez josita
egon ez daitezen.

Servicio de Limpieza



AYUNTAMIENTO
DE
VITORIA
GASTEIZ
U.D.A.L.A.

Garbiketa Zerbitzua